

RETTLEIAR OM SKOLESKYSS SKOLEÅRET 21/22

- for skolar og kommunar

Kven har rett på gratis skoleskyss?

Elevar har rett på gratis skoleskyss dersom eit eller fleire punkt under er gjeldande:

- Eleven har lengre enn fire kilometer **avstand mellom heim og skole**. Første trinn har rett på fri skoleskyss dersom skolevegen er lengre enn to kilometer kvar veg.
- Elevar med **varig eller mellombels funksjonshemming/sjukdom** kan ha rett på skyss mellom heim og skole uavhengig av reiselengde, dersom funksjonshemminga eller sjukdommen medfører at eleven treng skyss for å kome seg til skolen .
- Elevar som har mindre enn fire kilometer (to for førsteklasingar) lang skoleveg, men som har ein **særleg trafikkfarleg eller vanskeleg skoleveg**. Søknaden skal rettast til kommunen eleven bor i.

Detaljert skoleskyssreglement finn du på www.skyss.no/skoleskyss

Slik søker ein om skoleskyss

Det er skolane som søker om skyss for sine elevar i skoleskyss-systemet Skyss Elev, og godkjent skoleskyss blir sett opp ut frå informasjonen som skolen registrerer her.

På www.skyss.no/skoleskyss under «reglement og skjema» ligg **skjema for særleg farleg skoleveg og delt bustad**. Disse skal leggjast ved søknaden i dei tilfella der dette er relevant.

Dersom ein søker om skyss på grunnlag av **varig funksjonshemming/sjukdom** må det leggjast ved legeerklæring. Vi tilrår å bruke legeerklæringa som ligg på vår nettside. Denne er også tilgjengeleg i legane sitt journalsystem.

Skyss samarbeider med den fylkeskommunale legemennda rundt medisinsk skyss. Den fylkeskommunale legemennda bestående av spesialistar innan allmennmedisin vil kunne vurdere legeerklæringa, og vurdere eleven sitt transportbehov.

Søknader om **mellombels medisinsk skyss** som skuldast mellombels skade handsamast og bestillast av skolen/kommunen i Skyss Elev. Behovet for skyss skal vere stadfesta og tidsavgrensa med legeerklæring (maksimalt 8 veker), som må leggjast ved søknaden i Skyss Elev. Skyss skal kontaktast dersom eit skyssopplegg vert svært kostbart.

Eventuelle søknader om mellombels skyss som skuldast andre årsaker enn mellombels skade skal handsamast av Skyss.

Innmelding av start- og sluttider for nytt skoleår

Ved planlegginga av skoleskyssen tek Skyss utgangspunkt start- og sluttidene som skolen har meldt inn i Skyss Elev.

Dersom det meldast inn endringar som Skyss ser kan vere utfordrande for skoleskyssen, vil Skyss ta kontakt med skolen. Dette fordi dei same bussavgangane kan frakte elevar til fleire skolar.

Dersom skolen gjer endringar i start- og sluttider etter fristen kan ikkje Skyss garantere at desse kan imøtekommast, og endringar kan få konsekvensar for ventetida for elevane.

Frist for innmelding av elevsøknader

Søknader om skoleskyss skal meldast inn i Skyss Elev **innan 31. mars**. Skolane må kvalitetssikre at informasjonen i søknadene er riktig og at eventuell dokumentasjon er lagt ved.

Skyss planlegg busskapasiteten til den enkelte skole ut frå talet på elevar som er meldt inn i Skyss Elev innan fristen. Dersom det blir meldt inn mange elevar etter fristen kan dette få konsekvensar for skoleskyssen, då ein risikerer for liten busskapasitet.

Skolerute for skoleåret

Skoleskyssen blir satt opp etter kommunen si skolerute. Avvik frå kommunen si skolerute bør unngåast, då dette kan få konsekvensar for skoleskyssen. Eventuelle avvik frå kommunen si skolerute må meldast til Skyss (skoleskyss@skyss.no) innan 15. juni.

Når eventuelle planar om avvik i skoleruta er avklart med Skyss, må dette og meldast til aktuell drosjeoperatør i god tid.

Avvik i sluttider (til dømes kortare dag siste skoledag før feriar)

Skoleskyssen er satt opp til ordinære start- og sluttider. Ved behov for transport til andre tidspunkt må skolen bestille og finansiere denne transporten sjølv. Dersom skoleskyss til ordinær sluttid skal avbestillast ber vi om at skoleskyss får tilbakemelding.

Kommunen/skolen si rettleiingsplikt

Kommunen/skolen må bidra til å informere elevane om skyssrettane deira.

Sjekke status på søknaden

Skolane kan følgje med på status for søknadene i Skyss Elev. Alle skolane sine søknader vil vere tilgjengeleg under fana «Bestillingar». Når søknaden er endeleg godkjent og ferdig handsama vil søknaden ha statusen «Aktiv».

Status	Forklaring
Godkjent	<i>Automatisk godkjent av Skyss Elev basert på avstand, og avventar vidare handsaming og tildeling av transportopplegg.</i>
Må behandlast	<i>Avventar manuell sakshandsaming.</i>
Inaktiv	<i>Når ein søknad vert avvist eller deaktivert vil det stå inaktiv. Ein må hake av status inaktiv /avvist for å få opp eleven på lista over bestillingar.</i>
Avvist	<i>Søknaden er ikkje godkjent.</i>
Under behandling	<i>Søknaden er under handsaming.</i>
Aktiv	<i>Søknaden er ferdig handsama og eleven er tildelt eit transportopplegg.</i>

NB: Sidan vi har gått over til eit nytt søknadssystem oppmodar vi skolane til å utføre ekstra kontroll med at alle elevane som skal søkje om skoleskyss er registrert i systemet med riktig informasjon. Dette gjeld spesielt for elevar som er meldt inn via masseimportskjema (Excel), og der elevar har delt bustad (sjekk at det er registrert skyss til begge adressene om eleven skal ha dette).

Kopling til folkeregisteret - føresette som ikkje skal ha informasjon om eleven må bli fjerna i Skyss Elev

For alle elevar som blir meldt inn i Skyss Elev vert det i utgangspunktet sendt vedtak til begge føresette som er knytt til eleven i folkeregisteret. Føresette som ikkje skal ha informasjon om eleven, må derfor bli fjerna manuelt ved innmelding av eleven i Skyss Elev.

Vedtak

Ved utsending av vedtak vil det berre gå fram kva transportmiddel eleven har fått innvilga skoleskyss med (t.d. buss eller tilrettelagt transport). Det vil ikkje gå fram detaljert informasjon om elevane sitt transportopplegg. Skolane må vere behjelpeleg med å framskaffe denne informasjonen til føresette (t.d. sjekke Skyss Elev og/eller gje relevant kontaktinformasjon til drosjeoperatør).

Skolekort

Elevar som får innvilga buss får utdelt skolekort som inneheld **to daglege reiser mellom heim og skole**.

Elevar som har skolekort frå tidlegare skoleår skal nytte det same kortet, og vil få utlevert oblat frå skolen som viser at skolekortet er gyldig det aktuelle skoleåret. Nye elevar i 1. trinn og 8. trinn vil få nye skolekort.

For elevar som enten har mista skolekortet eller får innvilga skoleskyss i løpet av året, deler skolen ut ekstrakort. Det er viktig at skolane påfører eleven sitt namn og gyldige haldeplassar (sistnemnde finn ein i Skyss Elev).

Det blir sendt ut skolekort til nye elevar, oblat til elevar som allereie har skolekort og ekstrakort til skolane i forkant av nytt skoleår.

Bussopplæring

God trafikkopplæring bør skje i samspel mellom skole og heim, men føresette har hovudansvaret for trafikkopplæring av eigne barn. Skolane har som oppgåve å gjennomføre trafikkopplæring kontinuerleg gjennom heile skoletida, og skolar som har elevar som reiser dagleg med buss **bør øve på trygg bussåtfærd**. Trygg trafikk har gode øvingsoppgåver på www.tryggtrafikk.no.

Kapasitet i skolebussar

Skoleskyssen blir planlagt ut frå talet på elevar med rett til skyss som er meldt inn av skolen innan søknadsfristen. Det er viktig at skoleelevane spreier seg på dei bussavgangane som er tilgjengeleg, for å unngå kapasitetsutfordringar. Dersom det likevel ofte er kapasitetsutfordringar må dette meldast inn til Skyss. I tilfelle med kapasitetsutfordringar der det ikkje finst tilgjengeleg ekstra bussmateriell, kan elevar utan skyssrett bli vist til det ordinære rutetilbodet.

Tilrettelagt skoleskyss

All skoleskyss skal som hovudregel utførast med kollektivtransport. Elevar med rett til gratis skoleskyss som ikkje kan nytte seg av kollektivtilbodet, kan søkje om tilrettelagt skyss på heile eller delar av strekninga dersom eit eller fleire av følgjande vilkår er oppfylt:

- behov for anna skyss enn buss grunna varig eller mellombels funksjonshemming/sjukdom
- manglande kollektivtilbod på strekning der eleven har rett til skoleskyss anten på grunn av avstand eller særleg trafikkfarleg skoleveg

Hentetider tilrettelagt skyss

Skoleskyssen blir sett opp til **faste start- og sluttider**, og konkrete hentetider kan skolen (ev. foreldre) få opplyst av den aktuelle drosjetransportøren etter at søknad er godkjent. Henting utanom faste hentetider i samband med akutt sjukdom fell utanfor retten til skoleskyss etter opplæringslova.

Skoleskyss med drosje er basert på samkøyring, og transportør kan leggje opp køyreruta slik at eleven kan komme inntil 15 minutt før og hentast inntil 15 minutt etter siste time.

Privat skyss

For elevar som har fått **innvilga skoleskyss med drosje** kan føresette søkje om å få vere ansvarleg for skyssen sjølv mot refusjon. Ta kontakt med skoleskyss@skyss.no dersom dette er aktuelt. Ordninga gjeld ikkje skyss som er innvilga etter kommunalt vedtak.

Skyss refunderer berre førehandsgodkjent privat køyring. Søknader som vert sendt inn etter skolestart blir godtgjort frå den datoen søknaden er sendt inn, dersom søknaden blir godkjent.

I dei tilfella der privat skyss blir godtkjent skal det sendast inn refusjonskrav frå skyssutøvar ein gang pr. halvår. Refusjonsskjema finn ein på www.skyss.no/skoleskyss.

Årshjul for skoleskyss

Februar/mars
<ul style="list-style-type: none"> • Skolane registrerer start og sluttider i Skyss Elev • Skolane registrerer elevsøknader i Skyss Elev
Juni/juli
<ul style="list-style-type: none"> • Utsending av skolekort til skolane for nytt skoleår • Transportbestillingar for <u>tilrettelagt skyss</u> blir sendt transportør fortløpande, og inneheld informasjonen som skolen har meldt inn i Skyss Elev. Dersom søknader inneheld feil informasjon, t.d. feil adresse eller feile opplysingar om behov for hjelpemiddel, kan ein ikkje pårekne å ha korrekt transport på plass ved oppstart i august.
Juli
<ul style="list-style-type: none"> • Rutetider for nytt skoleår er tilgjengeleg i reiseplanleggaren på www.skyss.no. Søk frå eleven si heimeadresse/haldeplass til skolen. • Ein vil også kunne sjå eleven sitt reisetilbod i Skyss Elev (ved kollektivreiser; husk å velje «hent kollektivtilbod» for å sikre at dette er oppdatert – blir ikkje oppdatert automatisk).
1. august
<ul style="list-style-type: none"> • Frå og med 1. august får alle nye søknader og endringar i eksisterande søknader, inntil 14 dagars behandlingstid grunna oppstart av nytt skoleår og høg saksmengde.

Skoleskyss for elevar som ikkje går på sin nærscole

Tidlegare har elevar som ikkje går på sin nærscole blitt registrert med kommunalt vedtak. Ny praksis er at også desse skal leggjast inn med fylkeskommunal skyss, dersom avstandskravet er innfritt til skolen eleven faktisk går på. For søknader som allereie er registrert i Skyss Elev vil Skyss endre dette som del av søknadshandsaminga.

Ver obs på at det i vedtaket om skolebytte kan vere sett vilkår om at eleven/føresette må dekke ekstrakostnader ved skoleskyss til annan skole enn nærskolen sjølv. Dersom det er sett eit slikt vilkår for elevar som blir meldt inn i Skyss Elev er det viktig at skolen er klar over at kommunen vil bli fakturert ekstrakostnadene ved slik skyss. Kommunen vil då, i samsvar med vilkåret som er sett, kunne vidarefakturere føresette for denne ekstrakostnaden.

Skyss tilrår at det blir avklart med føresette om dei ønskjer at det blir søkt om skoleskyss for eleven, og at dei føresette blir gjort merksame på dei økonomiske konsekvensane av dette.

Kontaktinformasjon

post: skoleskyss@skyss.no

Telefon: 55 55 90 70, tasteval 2. Opningstid mellom kl. 09-12 alle skoledagar

Nettside: www.skyss.no/skoleskyss og www.kringom.no/skoleskyss